

"जुस्से गी बोलन देओ"

मेरे जुस्से पर यक्रीन करो
इसी गल्ल करन देओ तुंदे कन्नै
इसी मेरा यथार्थ
तुंदे कन्नै तक्कर
बेबाकी कन्नै पजान देओ।

इसी बोलन देओ
ऐलान करन देओ
दस्सन देओ ओह संघर्ष, कश्मकश
जेड़ा इन्न ,
अपने घरे दी चारदोआरी च कैद रेहियै
कराहन्दे होई
फुट्टै'रदी छाती दी पीड़ै 'नै लड़े दा ऐ।

इसी झकदे होई जाह करन देओ
कमोड दी चिट्टी ढालै पर चोए दे
पैह्ले रेशमी सूहे तोपे दी
बेचैन करी देने आली पीड़ै गी-
जिसी इन्न पराने कपड़े च सीके दा ऐ।

इसी गुनगुनान देओ
सदियें शा साम्भियै रखे दे शोख, शिंगार दे गीतें गी।
छेड़न देओ इसी साज़
साम्भियै रखे दे पक्के निश्चें दा
इच्छाएं ते हिरखै दे उद्गम दा।

इसी शब्दें च ब्यान करन देओ
ओपरे नेह बिस्तरे पर
कुसै अनजांते दी वासना गी
तृप्त करने दी मजबूरी दा सदमा।
दस्सन देओ इसी जम्मन, गर्भपात

बेस्हाबी सडैन आले रिसाव,
माहवारी दे सुक्कने मगरा
सुज्जे दे गोड्डें दी पीड़ बारै।

इसी अपनी बाऽज उच्ची करियै
अपना आप आनन देओ सामनै
तुस नासमझ लोक, दनां समझी लौ-
जेदा तुस ब्लातकार करदे ओ
ओह् जुस्सा नेई...

इक खतरनाक शस्तर ऐ,
कुदरत ते प्रलय
दमैं समोए दे न जेदे च।
जुस्सा बोल्लै रद ऐ
-----/-----/-----